

O Kuki, Opo, ma le Alofa

Saunia e Maria Marta Molina de Monterroso
(E faavae i se tala moni)



Sa tu Eva i ona tamaivae. Sa aapa atu o Sia mo le pusa i totonus o le kapoti.

"Ua i ai!" o lana tala lea.

Sa ia tatalaina le pusa. O totonus o ni tamai faatusa o le Soifua Mai o Iesu na faia i le ele mūmū. Sa ia aveina i fafo ma tuu le pepe o Iesu i le faatanoa vao.

Ona oo lea i le taimi e teuteu ai le laau Kerisimasi. Sa fesoasoani Eva ia Mama ma lona tuagane laititi, o Nefi, e tautau ni manoa o moli ma *fualaa manzanillas*. Sa fiafia Eva i le manogi manaia o fualau

aina samasama ninii. Ina ua sau Papa i le fale, sa ia fesoasoani ia Eva ma Nefi e tuu le fetu i le pito i luga o le laau.

Sa fiafia Eva i nisi o a latou tu masani o le Kerisimasi sa tutusa lava i lenei tausaga. O isi mea uma na lagonaina le matuai ese lava.

I ni nai vaiaso talu ai, sa taia ai lo latou aai i Kuatemala i se afā. Sa faaleagaina e timuga ma matagi mamafa le tele o fale. O nisi tagata sa nonofo pea i malutaga. Ma e toatele o tagata sa mama'i ona o le vairasi o le KOVITI-19.

E masani lava i le Po o le Kerisimasi, na o mai ai fafine, tamaloloa o le aiga, ma tausoga o Eva mo se pati tele. Na umi ona feala Eva ma Nefi. Sa latou faia ni *ponche* (vaiinu) ma o la fafine o aiga ma taaalo ma o la tausoga. I le vaeluaga o le po, sa o atu ai tagata uma i magaala, faamūmū mea faapāpā, ma tuuina atu ni opo i uo ma tuaoi.

Ae o le tausaga lenei, sa le mafai ona o mai tagata o o latou aiga e asiasi mai. Ma o le a leai ni opo o le Vaeluaga o le Kerisimasi i magaala.

*"O le a le tutusa le
Kerisimasi i lenei tausaga,"*
o le tala lea a Eva.

Sa lagona e Eva le faanoanoa i mea malie uma o le a ia misia. "O le a le tutusa le Kerisimasi i lenei tausaga," o lana tala lea.

Sa luelue le ulu o Papa. "E ese lava. Ae o loo i ai ia i ma'u ma Mama se manatu e ono faafafiaina ai oe."

"O le Kerisimasi e faatatau i le foai atu," o le tala lea a Mama. "E te manao e fesoasoani mai ia i ma'u e faatau ni meaai mo aiga o e na leaga o latou fale i le afa?"

"Ua lelei!" Na fai atu ai Eva. Sa lue atu le ulu o Nefi.

Sa o atu Eva ma Nefi ma Mama i le faleoloa. Sa fesoasoani Eva e tuu meaai i totonus o ato faatau. Ona oso a'e lea o sona manatu!

"Mama," sa ia fai mai ai, "e mafai ona e fesoasoani ia Nefi ma d'u e tao ni kuki mo tamaiti i totonus o le malutaga? E mafai ona tatou kilivaina pe a tatou o e momoli meaai!"

Na malie i ai Mama. Sa faaalu e Eva, Nefi, ma Mama ni nai aso e tao faatasi ai kuki. Sa tuu e Eva ma Nefi kuki i ni tamai taga pepa ma nonoa i ni lipine. Ona latou fai lea o a latou ufi fofoga ma savavali faatasi ma Mama ma Papa i le malutaga lea sa nonofo ai aiga.

"E toatele tamaiti iinei," o le tala lea a Nefi. "Mata o le a lava a tatou kuki?"

"Talosia. Fai se tatou tatalo," na fai atu ai Eva. Sa moeini o latou mata. Sa tatalo lemu Eva, "Tama Faalelagi, faamolemole fesoasoani mai ia i matou ina ia mafai e tagata uma iinei ona lagona Lou alofa."

Sa tutu tamaiti i totonus o le malutaga i se laina umi. Sa tuuina atu e Eva ma Nefi i tamaiti taitasi se afifi o kuki. Sa lava mo tagata uma!

A o latou savavali atu i le fale, sa le'i toe lagona e Eva le faanoanoa. Sa i ai se ataata lapoa i ona foliga. Sa le'i mafai ona ia tuuina atu ni opo i ana uo i le Po o le Kerisimasi. Ae o afifi taitasi o kuki sa pei o se opo mai lona loto. ●

O lenei tala sa tupu i Kuatemala.

Susue i le itulau 38 mo se fua o kuki mai Kuatemala!



E tautatala Eva ma Nefi i se gagana e ta'ua o le Qeqchi'. Ua latou fiafia ua fua-sia se malumalu fou i Cobán, e latalata i lo latou fale!